



Alver kommune
Postboks 4
5906 FREKHAUG

Saksbehandlar, innvalstelefon
Hege Brekke Hellesøe, 5557 2352
Tom N. Pedersen, 5557 2119
Julie Marie Andersen, 5557 2355

Uttale - Begrensa høring - Alver - 127/91 m fl - grøn omstilling av Mongstad - detaljregulering

Vi viser til brev frå kommunen datert 02.05.2022. Saka gjeld avgrensa høyring av detaljreguleringsplan for Grøn omstilling av Mongstad. Vi viser til våre tidlegare uttaler datert 22.12.2021 og 17.03.2022.

Plankart 2, føresegner, planomtale med KU, naturmangfaldrapport, trafikkanalyse, ROS-analyse og merknadsskjema er revidert. Samandrag av ROS i planomtale vert oppdatert i høve endring i sjølve ROS-analysen ved 2 gongs handsaming.

Statsforvaltaren si vurdering

Etter det vi kan sjå er naturmangfaldrapporten og planomtalen med konsekvensutgreiinga no oppdatert med eksisterande kunnskap om tilstand i fjorden. Når det gjeld vurdering av verknad av planen for tilstand i sjøen, så vurderer vi framleis at planen underkommuniserer utslepp og utsleppsmengda.

Rapporten framstiller reinsetiltaka som at dei nærmast fullstendig skal fjerne sink frå utsleppet. Vi veit at sink i føret i stor grad er bunde til fiskeavføringa. Men erfaringa vi har frå landbasert settefiskproduksjon er at berre 1/3 av partikulært organisk materiale kan samlast opp. Sinkutsleppet vil nok bli redusert, men langt frå fjerna.

Prosjektet ser for seg enkel filtrering av utsleppet. Anlegget skal fungere som gjennomstrøymingsanlegg med partikkeloppsamling. Vi veit at 2/3 av utsleppet er oppløyste næringssalt. Store anlegg kjem til å ha store utslepp. Svært store anlegg vil ha svært store utslepp. Det er skissert eit anlegg med kapasitet for 50 tusen tonn årleg. Det vil gi utslepp av nitrogen tilsvarande ein halv million PE (personekvivalentar). Det er like mye som tidlegare Hordaland fylke, vel og merke før reinsetiltaka som der er satt inn.

Statsforvaltaren meiner det er svært uheldig at planen ikkje tar innover seg at eit større landbasert oppdrettsanlegg kan få følgjer for vasskvaliteten og sediment i fjorden. Vi skal ikkje handsame eit



løyve etter forureinglova i plansaka, men det er likevel uheldig å ikkje vere open på at større utslepp til dette område kan vere problematisk, då planen ikkje vil setje relevante rammer for kva tiltak som kan gjennomførast på arealet. Det kan oppstå ein uriktig forståing av kva risiko ein tek ved å investere i området.

Statsforvaltaren rår til at kommune tar dette på alvor. Vi rår også til at kommunen tar inn føresegn om miljøkrav og overvaking.

Med helsing

Egil Hauge
seksjonsleiar

Hege Brekke Hellesøe
seniorrådgjevar

Dokumentet er elektronisk godkjent